



# Халқ сўзи

Ўзбекистон –  
келажаги  
буюк  
давлат

2020 йил – ИЛМ, МАЪРИФАТ ВА РАҚАМЛИ ИҚТИСОДИЁТНИ РИВОЖЛАНТИРИШ ЙИЛИ

1991 йил 1 январдан чиқа бошлаган



WWW.XS.UZ



E-mail: Info@xs.uz



2020 йил 3 март, № 45 (7547)


Сешанба

Сайтимизга ўтиш учун QR-кодни телефонингиз орқали сканер қилинг.



## ЎЗБЕКИСТОН ПРЕЗИДЕНТИ ХИТОЙ ДЕЛЕГАЦИЯСИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 2 март куни мамлакатимизда амалий ташриф билан бўлиб турган Хитой Коммунистик партияси Марказий қўмитаси Сиёсий бюроси аъзоси, Ташқи ишлар бўйича комиссия девонхонаси раҳбари Ян Цзечи бошчилигидаги делегацияни қабул қилди.



Давлатимиз раҳбари бугунги кунда Ўзбекистон ва Хитойни дўстлик ва ҳар томонлама стратегик шериклик муносабатлари яқиндан боғлаб турганини қайд этди.

Мамлакатларимиз етакчиларининг мунтазам учрашувлари икки томонлама ҳамкорликни сифат жиҳатидан янги даражага кўтариш, уни аниқ мазмун билан бойитиш имконини берди.

Биргаликдаги саъй-ҳаракатлар туфайли ўзаро товар айирбошлаш ҳажми изчил ортимоқда. Хитойнинг илгор компаниялари ва

молиявий институтлари иштирокида Ўзбекистонда йирик инвестиция лойиҳалари амалга оширилмоқда. Маданий-гуманитар алмашинувлар кенгаймоқда.

Юқори мартабали меҳмон Президентимиз Шавкат Мирзиёевга самимий қабул учун миннатдорлик изҳор қилиб, ХХР Раиси Си Цзиньпиннинг Ўзбекистон Президенти номига йўллаган шахсий мактубини топширди. Ушбу мактубда кейинги йилларда икки томонлама ҳамкорликда юксак даражага эришилгани катта мамнуният билан қайд

этилган ҳамда янги турдаги коронавирус тарқалишига қарши курашда кўрсатилётган кўмак учун миннатдорлик билдирилган.

Учрашувда кўп қиррали Ўзбекистон — Хитой шериклигининг долзарб масалалари муҳокама қилинди.

Мамлакатимизда энергетика, нефть-газ, кимё, тўқимачилик, қишлоқ хўжалиги ва иқтисодиётнинг бошқа тармоқларида ҳамда инфратузилмани модернизация қилиш бўйича устувор лойиҳаларни биргаликда ишлаб чиқиш ва амалга оширишни давом эттириш

зарурлигига алоҳида эътибор қаратилди.

Халқаро ва минтақавий аҳамиятга молик долзарб масалалар, Бирлашган Миллатлар Ташкилоти, ШХТ ва бошқа тузилмалар доирасидаги конструктив мулоқотни мустақамлаш, шунингдек, “Бир макон, бир йўл” ташаббусини илгари суриш доирасидаги ҳамкорлик юзасидан фикр алмашилди.

Ў.А.

Ўзбекистон Республикаси Президенти  
Матбуот хизмати суратлари.

## МАКТАБ ТАЪЛИМИДАГИ КАМЧИЛИКЛАР ЎРГАНИЛДИ, УСТУВОР ВАЗИФАЛАР БЕЛГИЛАНДИ

Ўзбекистон Республикаси Президенти Шавкат Мирзиёев 2 март куни халқ таълими тизимидаги устувор вазифалар муҳокамасига бағишланган йиғилиш ўтказди.

Давлатимиз раҳбари президентлик фаолиятининг илк кунларидаёқ мамлакатда кадрлар муаммоси мавжудлиги, барча соҳага ислохотлар суръатига мос замонавий мутахассислар зарурлиги ҳақида айтган эди.

Шу мақсадда бутун таълим тизими тубдан такомиллаштирилмоқда. Мактабгача таълим ривожлантирилаётгани мактаб сабоқларига пухта замин бўлмоқда. Умумий ўрта таълим сифати илгор халқаро тажриба ва замон талаблари асосида юксалтирилмоқда.

Сўнгги уч йилда мамлакатимизда 160 дан ортиқ умумтаълим мактаблари қурилди. Бундан ташқари, Президент мактаблари, буюк алломаларимиз номи билан аталадиган ихтисослаштирилган мактаблар, ижод мактаблари, “Темурбеклар мактаблари” каби замонавий ва инновацион таълим масканлари ташкил этилди. Шунингдек, охириги 3 йилда ўқитувчиларнинг иш ҳақи ўртача 2,5 баробар оширилди. Узоқ ҳудудларга бориб ишлайдиган педагоглар меҳнатини қўшимча рағбатлантириш жорий этилди.

2019 йил 26 ноябрда Ўзбекистон Республикаси Президентининг “Замонавий мактаб”ларни ташкил этиш чора-тадбирлари тўғрисида”ги қарори қабул қилинди. Ушбу ҳужжатга мувофиқ, 2021 йилгача мактабларнинг камида 3 фоизи, 2025 йилгача 20 фоизи, 2030 йилга қадар эса 50 фоизини “Замонавий мактаб”ларга айлантиришнинг асосий параметрлари белгиланди.

Буларнинг барчаси ўрта ва узоқ мuddатга мўлжалланган кенг қамровли ислохотларнинг илк босқичи эди.

Президентимиз шу йил январь ойида Олий Мажлисга йўллаган Мурожаатномасида мактаб ўқув дастурларини илгор хорижий тажриба асосида такомиллаштириш, ўқув юкнамалари ва фанларни қайта қўриб чиқиш, уларни халқаро стандартларга мослаштириш, дарслик ва адабиётлар сифатини ошириш зарурлигини таъкидлади. Мактаблар моддий-техник таъминотини яхшилаш, ўқув-тарбия жараёнида замонавий педагогик технологияларни қўллаш бўйича вазифаларни белгиланган берди.

Йиғилишда янги турдаги мактабларни барпо этиш, аввалгиларини босқичма-босқич замон талабларига мослаштириш, ўқитувчиларнинг малакасини ошириш масалалари муҳокама қилинди.

Хозирги кунда 9 минг 942 та мактабнинг 2 минг 835 таси таъмирталаб. 5 минг 861 тасида ўқувчилар сони сичимига нисбатан кўплиги сабабли дарслар 2 сменада ўтилмоқда. Жорий йилда 36 та янги мактаб қурилиб, 211 тасининг капитал таъмирланиши белгиланган.

Қурилиш вазирлигига мактабларни замонавий архитектура ечимлари асосида, энергия тежовчи ва илгор технологияларни қўллаган ҳолда барпо этиш вазифаси топширилди.

(Давоми 3-бетда).



## Ўзбекистон Республикаси Президентининг ФАРМОНИ

### 2017 – 2021 йилларда ЎЗБЕКИСТОН РЕСПУБЛИКАСИНИ РИВОЖЛАНТИРИШНИНГ БЕШТА УСТУВОР ЙўНАЛИШИ Бўйича ҲАРАКАТЛАР СТРАТЕГИЯСИНИ «ИЛМ, МАЪРИФАТ ВА РАҚАМЛИ ИҚТИСОДИЁТНИ РИВОЖЛАНТИРИШ ЙИЛИ»ДА АМАЛГА ОШИРИШГА ОИД ДАВЛАТ ДАСТУРИ Тўғрисида

Мамлакатимизда амалга оширилаётган кенг қамровли ислохотларни халқ манфаатлари йўлида изчил давом эттириш мақсадида 2017 — 2021 йилларда Ўзбекистон Республикасини ривожлантиришнинг бешта устувор йўналишини бўйича Ҳаракатлар стратегиясини “Илм, маърифат ва рақамли иқтисодиётни ривожлантириш йили”да амалга оширишга оид Давлат дастури лойиҳаси кенг жамоатчилик иштирокида атрофлича муҳокама қилинган ҳолда тайёрланди.

Муҳокамалар жараёнида халқимиз, фуқаролик жамияти институтлари фаоллик кўрсатиб, **мингдан ортиқ** теле ва радиоканаллар орқали тўғридан-тўғри эфирларда улар билан бевосита мулоқотлар ташкил этилди, фуқароларимиз билдирган тақлиф-тавсиялар тегишли соҳа мутахассислари ва экспертлар иштирокида чуқур таҳлил қилинди.

Хусусан, жамоатчилик муҳокамаси доирасида **уч мингдан ортиқ тақлифлар** келиб тушди, улар асосида Давлат дастури лойиҳасига **юзга яқин концептуал ва тахририй ўзгариш ва қўшимчалар** киритилди. Шунингдек, кўпчилик тақлифлар муҳокама учун эълон қилинган Давлат дастури лойиҳасидаги чора-тадбирларни қўллаб-қувватлаш ва уларни амалга ошириш жараёнларини такомиллаштиришни назарда тутди.

2017 — 2021 йилларда Ўзбекистон Республикасини ривожлантиришнинг бешта устувор йўналишини бўйича Ҳаракатлар стратегияси ижросини таъминлаш, шунингдек, Ўзбекистон Республикаси Президентининг 2020 йил 24 январдаги Олий Мажлисга Мурожаатномаси, парламент палаталари қўшма мажлиси ва ташкилий йиғилишларида белгиланган вазифаларни самарали ва ўз вақтида амалга ошириш мақсадида:

1. **2017 — 2021 йилларда Ўзбекистон Республикасини ривожлантиришнинг бешта устувор йўналишини бўйича Ҳаракатлар стратегиясини “Илм, маърифат ва рақамли иқтисодиётни ривожлантириш йили”да амалга оширишга оид Давлат дастури** (кейинги ўринларда — Давлат дастури) иловага мувофиқ тасдиқлансин.

2. **Давлат ва жамият қурилиш тизимини такомиллаштириш соҳасида:**

2020 йилдан бошлаб **Ўзбекистон Республикаси Олий Мажлиси Қонунчилик палатаси ва Сенати** фаолият

**тида** фуқароларнинг **интернет тармоғидаги** мурожаатлари асосида **парламент ва депутат сўровларини шакллантириш**, сайловчилар билан бевосита мулоқот қилиш мақсадида электрон портал ва мобилъ иловадан фойдаланиш имконини берувчи **“Электрон парламент” тизими** жорий этилсин;

Ўзбекистон Республикаси Олий Мажлиси Қонунчилик палатасида **йил якунига кўра қабул қилинган ҳар бир қонун халқ томонидан қандай баҳо-ланганини ва унинг самарадорлик даражасини мониторинг қилиш** ҳамда мавжуд камчиликларни бартараф этиш бўйича тегишли чораларни кўриш амалиёти шакллантирилсин;

2020 йилда Самарканд вилояти халқ депутатлари Кенгашининг фаолиятини **“намунали Кенгаш”** сифатида йўлга қўйиш бўйича амалий-ташкилий чора-тадбирлар қўрилсин ҳамда **маҳаллий вакиллик органлари фаолиятида Кенгаш сўрови институти** жорий қилинсин;

2020 йил 1 июлдан бошлаб Ўзбекистон Республикаси Олий Мажлиси Қонунчилик палатаси мажлисларида **давлат органлари ва хўжалик бoshқаруви органлари раҳбарларининг** ўз фаолияти бўйича, шунингдек, Ҳукумат аъзолари ва тармоқлар раҳбарларининг Бирлашган Миллатлар Ташкилотининг Барқарор ривожланиш мақсадларини бажариш, илм, маърифат ва рақамли иқтисодиётни ривожлантириш борасида олиб борилаётган ишлар тўғрисидаги **ахборотларини мунтазам равишда эшитиш тартиби** амалиётга татбиқ қилинсин;

2020 йил 1 августдан бошлаб Ўзбекистон Республикаси Олий Мажлиси Сенатида Ўзбекистоннинг **хорижий давлатлардаги элчилари ҳисоботи**ни эшитиш, шунингдек, аҳолини ташвишга солаётган муаммоларни тезкорлик билан ҳал қилиш мақсадида ўрگان-ниглан масалалар бўйича бевосита жойларга бориб, вазирилик ва идора-лар раҳбарлари иштирокида **Сенат Кенгаши ва қўмиталарининг сайёр мажлисларини ўтказиш** тизими йўлга қўйилсин;

2020 йил 1 июлга қадар **“Mening fikrim” веб-портали**нинг мобилъ иловасини ишга тушириш чоралари қўрилсин, шунингдек, веб-порталга келиб тушаётган мурожаатларни депутатлар, мутахассислар ва кенг жамоатчи-

лики жалб қилган ҳолда оммавий ахборот воситаларида муҳокама қилиш ташкил этилсин.

Ўзбекистон Республикаси Олий Мажлиси палаталари ва Вазирлар Маҳкамасига манфаатдор вазирилик ва идоралар билан биргаликда ушбу йўналишда белгиланган вазифаларнинг ўз вақтида бажарилишини, шу жумладан, парламентнинг қонун ижодкорлиги ва назорат фаолиятини кучайтиришга қаратилган чора-тадбирлар **дастури**, тўғридан-тўғри амал қилувчи қонунларни ишлаб чиқиш бўйича **“Йўл харитаси”**, Аҳолининг электрорал маданиятини юксалтириш **концепцияси** ҳамда Ўзбекистонда фуқаролик жамиятини ривожлантиришнинг ўрта ва узоқ мuddатли истиқболга мўлжалланган **стратегияси** қабул қилинишини таъминлаш тавсия этилсин.

3. **Қонун устуворлигини таъминлаш ва суд-ҳуқуқ тизимини янада ислох қилиш соҳасида:**

2020 йил 1 майдан бошлаб суд ҳукмлари, қарорлари, ажримлари ёки ҳал қилув қарорлари қонуний кучга кирган ишларни прокурор томонидан **томонларнинг** (прокурордан ташқари) **мурожаати мавжуд бўлгандагина суддан талаб қилиб олиш** тартиби амалиётга жорий этилсин;

2020 йил 1 апрелдан бошлаб 1995 йилгача Ўзбекистонга келган ва шундан буён фуқаролиги бўлмаган шахс гувоҳномаси асосида доимий истиқомат қилаётган ҳамда Ўзбекистон Республикаси фуқароси бўлиш истагини билдирган шахсларни Ўзбекистон Республикаси фуқароси деб тан олиш тартиби жорий этилсин;

2020 йил 1 ноябрга қадар одил судловга эришиш имкониятларини кенгайтириш мақсадида **апелляция ва кассация инстанциялари ислох қилиниб**, назорат тартибиди иш юритиш институти бекор қилинсин;

2020 йил 1 июнга қадар тадбиркорлик соҳасидаги ижтимоий ҳавфи катта бўлмаган жиноят турлари декриминализация қилинсин, шунингдек, божхона соҳасидаги қонун ҳужжатларини бузиш жиноятини **биринчи марта содир этган, товар учун тўловни ихтиёрий равишда тўлаган** ва божхона расмийлаштирувини амалга оширган шахсларни жиноий жавобгарликдан озод қилиш тартиби жорий этилсин;

(Давоми 2, 3-бетларда).



## Ўзбекистон Республикасининг ҚОНУНИ

### Халқаро хусусий ҳуқуқ бўйича Гаага конференцияси Уставини (Гаага, 1951 йил 31 октябрь) ратификация қилиш ҳақида

Қонунчилик палатаси томонидан 2020 йил 18 февралда қабул қилинган  
Сенат томонидан 2020 йил 28 февралда маъқулланган

Халқаро хусусий ҳуқуқ бўйича Гаага конференцияси Устави (Гаага, 1951 йил 31 октябрь) ратификация қилинсин.

Ўзбекистон Республикасининг  
Президенти **Ш. МИРЗИЁЕВ**

Тошкент шаҳри,  
2020 йил 2 март  
№ ЎРҚ—605

## Ўзбекистон Республикасининг ҚОНУНИ

### Маҳалла тизими ходимлари кунини белгилаш тўғрисида

Қонунчилик палатаси томонидан 2020 йил 25 февралда қабул қилинган  
Сенат томонидан 2020 йил 28 февралда маъқулланган

**1-модда.** 22 март Маҳалла тизими ходимлари кунини этиб белгилансин.

**2-модда.** Ушбу Қонун расмий эълон қилинган кундан эътиборан кучга қиради.

Ўзбекистон Республикасининг  
Президенти **Ш. МИРЗИЁЕВ**

Тошкент шаҳри,  
2020 йил 2 март  
№ ЎРҚ—606

## ЎЗБЕКИСТОН ПРЕЗИДЕНТИНИНГ ТАШАББУСЛАРИ АФҒОНИСТОНДА ТИНЧЛИК ВА БАРҚАРОРЛИКНИ ЎРНАТИШДА МУҲИМ РОЛЬ ЎЙНАМОҚДА

Афғонистон мамлакатини даражасида — марказий ҳукумат ва қуроли муҳолифатнинг асосий кучлари, биринчи навбатда, “Толибон” ҳаракати ўртасида олинган ҳеч қандай шарт қўймасдан, тўғридан-тўғри мулоқотни бошлашни таъминлаш зарур.

Шавкат МИРЗИЁЕВ

29 февраль куни Қатар пойтахти Доха шаҳрида АҚШ ва “Толибон” гуруҳи ўртасида узоқ кутилган тинчлик битимини имзолаш маросими бўлиб ўтди. Мазкур жараён афғонлараро умуммиллий ярашувга пойдевор ўрнатгани билан низоҳатда аҳамиятлидир.

### Долзарб мавзу

Расмий Тошкент Афғонистонни минтақанинг ажралмас қисми деб билади. Бинобарин, ушбу мамлакатда тинчлик ўрнатиш бўйича саъй-ҳаракатлар жуда долзарбдир. Марказий Осиёнинг мустақам ривожланиши Афғонистондаги вазият барқарорлашуви билан бевосита боғлиқ. Президент Шавкат Мирзиёев бир неча бор таъкидлаб ўтганидек, афғон муаммосини ҳал этмай туриб, тинч ва юксак даражада тараққий этган Марказий Осиё ҳақида гапириб бўлмайди.

### Ўзбекистон Республикаси Президенти Шавкат Мирзиёев томонидан илгари сурилган ташаббуслар

**Биринчидан** — афғон муаммосини тинч йўл билан ҳал этишнинг асосий тамойилларини ишлаб чиқиш ва улар бўйича кенг ва қатъий халқаро консенсус — муросага эришиш.

**Иккинчидан** — Афғонистон ҳукумати ва қуроли муҳолифат ўртасида музокараларни бошлаш механизминини ишлаб чиқиш.

**Учинчидан** — Афғонистонда миллий келишув жараёнига халқаро ҳамжамият томонидан кўмак бериш бўйича “Йўл харитаси”ни ишлаб чиқиш.

**Тўртинчидан** — барча манфаатдор ташқи кучларнинг қуроли муҳолифатдан Афғонистон ҳукумати билан музокаралар столига ўтиришини, қарама-қаршилик ва зўравонликка чек қўйишни қатъий ва бир овоздан талаб қилиш.





